


www.BibleForChildren.org



Génesis 6



Ya'a ka kuu tatatno'o Noé. Noé
chi teyii ndaa ni okuu de nuu
ndi'i ñayiu ni ka oo kuia yun.
Teyii va'a ni okuu de, chi ni
osa'a de nagua kuini maa ia
Dios, te ni ojika de jin ya. Te

ni ndia'a ia Dios nuu

ñuyiu, te

vi nii nii oo

jakue'e, chi ndi'i

ñayiu ni ka


kujioo ichi ya,

te vi jane'e jayichi


nika ka sa'i.




Te jiña'a Dios nuu Noé: –Vitna guaa ni jino
ini rin ja xnaa rin ñuyiu, chi ja ni chitu
jakue'e ja ja'a ñayiu ka sa'a jane'e
jayichi, te xnaa rin ñayiu vi ñu'u.




Te yun guaa sa'a in ve'e ka'nu kuu arca jin
yutnu nani gofer, te tniune'u ron ve'e kueli
ichi ini, te ndakasi gua'a ron jin brea ichi
ini vi ichi yata ja ma vi koo ndiyau
ja kiuu ndute.




Te medida
ya'a sa'a ron ja
na koo arca ya'a, ja
kani sa'a ron uni ciento
yiki, te ja jite sa'a ron uu
xiko uxi yiki, te ja koo
sukun sa'a ron oko uxi
yiki.




Te xtutu kua'a ron ja vi
kokaa maa ron vi ja ka jaa
in in nuu kiti jian, te tnaa
va'a ron nagua ja na kenta
vi kokaa maa ron vi ndi'i kiti
jian ja ma vi kuu ron jin ti
soko –jiña'a ya.




Te suni chi'i ron in in tayu kiti na vi kokuu ti in kiti yii vi in
kiti si'i ndinuu nuu kiti oo ñuyiu nagua ja vi
kaku ron jin ti.




Te chi'i ron uja tayu kiti vii na vi kokuu
ti in kiti yii, te in kiti si'i. Su kiti tu ka oo
vii, chi in in tayu ni ti in kiti yii
jin in kiti si'i ni, na vi
kokuu ndinuu nuu ti.





Te ja ja'a sau
yun ja kuu
diluvio guaa ni
kiukuei Noé nuu
arca yun, maa de vi
se'e de vi ñasi'i de vi janu
de ja vi kaku ni'nu de.





Te vi maa kuia
saa ni jino Noé iñu
ciento kuia vi inka uu yoo
jin xa'un uu kiuu ja ni jino de
kuia de, te ni ka te'nde ni yo'o
ndute mar vi ni nune ni ye'e
ndute andivi.





Te ni jinkuita ni sau nii nii ñuyiu ja ni okuun ya uu xiko kiuu vi uu xiko jakuaa.




Te ni ndaa ni ndaa ni ndute yun ja
ni kuu sukun ndeva'a de nuu ñu'u,
guaa ni jinkuintatneni arca yun ja
ni intatneni nuu ndute yun.




Te ni kaa sukun ndeva'a ndute yun nuu ñu'u ja ni ka sa'u ndi'i yuku sukun ja ni ka oo ñuyiu. Ndi'i tu'u ja ni ka ojichi ni ka okanda ñuyiu ya'a ja ni ka ondakuantachi jin xtnii vi ndi'i ja ni ka oteku ñuyiu ni ka ji'i ndi'i.




Yun te saa ni ndaka'an ña ia Dios jin
Noé vi ndi'i kiti yuku vi kiti kuun nda'a ja
ka oo jin de ini arca yun, te ni sa'a ya ja
ni jinki'i tachi ñuyiu, te ni nuu
joo ndute.





Yun te saa ni ondetu ka
Noé nuu uu xiko kiuu, te
saa ni june de ventana arca
yun ja ni sa'a maa de. Yun
te saa ni siaa tuku Noé in
sata, nagua ja kutnuni ini de
a ja ni nuu ndute nuu
ñu'u.



Yun te saa kiuu oko uja yoo kuu uu ja ndaki'in inka
kuia ni ndayichi sa'un nuu ñu'u. Yun te ni ka'an ia
Dios nuu Noé, te jiña'a ya: –Ndekuei nuu
arca jian maa ron vi ñasi'i ron vi
seyii ron vi janu ron, . . .



. . . te ndene'e ndi'i kiti oo jin ron jian na kuinio ndi'i kiti
ndagua vi kiti kuun nda'a vi ndi'i kiti ñuu maa nuu
ñu'u, ndekuei ndi'i ti, te ki'inkuei ti nuu
ñu'u vi ndakaya ti, te vi ndachitu ti
nuu ñuyiu –jiña'a
ya sua'a.



Te ni sa'a Noé in altar, te yun ni ki'in de in in nuu ndi'i
kiti ka oo vii vi kiti
ndagua ja ka oo vii,
te ni ja'ni de ti, te ni
teñu'u de ti nuu altar yun
ja ni soko de nuu Jito'o.



Te jiña'a ia Dios:

–Ya'a kuu in seña

ja sa'a rin tratu jin

ron vi jin ndi'i kiti ka


teku ja ka oo jin ron ja

kokuu nikuii nikani. Sa'a rin

in tikoye'nde nuu viko ja kokuu

in seña ja ni sa'a rin in
tratu jin ñuyiu.






Te nuu ndututu
viko, te ne'u yun
sa'a rin in
tikoye'nde nuu vi kuni
ñayiu, te yun kuu nuu
kondaka'an rin tratu ni sa'a
rin jin ndi'i ron vi ndi'i kiti ja ka

oo ñuyiu ja ma kii ka
diluvio ja ndachitu ndute
ja xnaa de ñuyiu.



Yun te ni sa'a vii sa'a
va'a ña ia Dios jin Noé vi se'e de,
te jiña'a ya: –Vi koo kuakua'a
ndikin tata ron, te vi ndakaya ron
vi ndee na ndachitu ñuyiu.



Te seyii Noé ja ni
ndekuei nuu arca yun ka kuu tee
nani Sem vi Cam vi Jafet. Te Cam
ni okuu yua tee ni onani Canaán.
Te ndi uni tee ya'a ni ka okuu
seyii Noé, te suu de ni ka
ndaskaya kua'a



tatatno'o ja ni
ndachitu ñuyiu.



'Chi ni kutoo ndeva'a ña ia Dios jin
ñayiu ñuyiu, yun guaa ni jiña'a ya
invaa Se'e ya, nagua ja ndi'i ñayiu
ka kandija ña jin ya ma vi junai,
chi vi ni'i ja vi kotekui nikuii nikani.



Romanos 3:23 Chi ndi'o ni ka sa'a yika kuechi, te ni ka kuu jikao nuu ye'e tajan ia Dios.

Romanos 6:23 Chi ya'u ja ka ni'o ja ka sa'o yika kuechi kuu ja vi kuo, su ja skuta'u ña ia Dios kuu ja vi kotekuo nikuii nikani jin Jito'o Jesukristu.

Hebreos 9:27 Saa nagua ka ji'i ndi'i ñayiu invaa ni jichi, yun te kua'ankuei ja ka'nde ia Dios kuechi.

Efesios 2:8,9 Chi ni ka'an nda'u ni ka'an kee ña ia Dios jion, ja ni skaku ni'nu ña ya jin ma'ñu sagua ja ka kandijao. Te masu in ja vaji nuu mao kuu, chi in java'a ja ni skuta'u ña ia Dios kuu. Te masu jin tniuu gua'a ja ka sa'o kuu ja skaku ni'nu ña, nagua ja ni in ñayiu ma vi kokuu teyii jin tniuu gua'a ka sa'i.



Romanos 10:9,10 Chi nuu ja jin yu'u ni na'ma ni ja Jesús kuu Jito'o ni, te kandija ni jin anu ni ja ia Dios ni ndaxteku ya ne'u ndiyi, te kaku ni'nu ni. Chi jin anuo kandijao nagua ja kokuo ñayiu ndaa, te jin yu'o na'mao ja Jesús kuu Jito'o, nagua ja skaku ni'nu ña ya.

San Juan 3:16,17 'Chi ni kutoo ndeva'a ña ia Dios jin ñayiu ñuyiu, yun guaa ni jiña'a ya invaa Se'e ya, nagua ja ndi'i ñayiu ka kandija ña jin ya ma vi junai, chi vi ni'i ja vi kotekui nikuii nikani. Chi tu ni tetniuu ia Dios Se'e ya ñuyiu ja xtavi kuechi ya ñayiu ñuyiu, chi ni tetniuu ña ya nagua ja vi kaku ni'nu ñayiu ñuyiu jin ma'ñu sagua ya.



1 Juan 5:11-13 Te ya'a kuu tno'o ndaa ja ndakani maa ia Dios: ja taa ya ja vi kotekuo nikuii nikani, te jin ma'ñu sagua Se'e ya vi ni'o ja vi kotekuo. Chi ñayiu oo jin Se'e ia Dios, te kotekui nikuii nikani, su ñayiu ja tu oo jin Se'e ya, te ma kotekui. Tno'o ya'a ni tee san nuu in in ni ja ka kandija ni sivi Se'e ia Dios, nagua ja vi kuni ni ja vi koteku ni nikuii nikani.



Génesis 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Mixtec, Northern Tlaxiaco Bible (xtn) © 2016, Wycliffe Bible
Translators, Inc. All rights reserved.

<https://live.bible.is/bible/XTNTBL/GEN/1>

©2025 Bible for Children, Inc.

www.M1914.org

www.bibleforchildren.org

